

قصة معبرة لأحد كارهي السلفية | للشيخ الحويني

أبو إسحاق الحويني

احنا ما حدش علمنا الحكمة انما تعلمنا من خلال سير العلماء وتعلمنا من الواقع ولا انكر اننا اخطأنا كثيرا ايضا ولم نحسن معاملة العوام الذين انكروا علينا. كنا برضو بنعاندهم في المسألة دي ونحن نظن اننا نقيم السنة - [00:00:00](#) ويشتدون يعني غضبا منا وينفروا الحق هنا. ينفر من الحق الذي عندنا. انا عايز اقول للشباب لا تكن حائلا بين الحق وبين الناس بسوء تصرفك فانا لما تعلمت برضه شيئا من سير العلماء وكيف تعامل الناس والكلام ده؟ قلت لاخ لنا يعني صديق - [00:00:19](#) هذا الخطيب قلت له انا يعني فلان الفلاني يقول انني علمت شباب الادب آآ اسوء الادب وان الشباب بيعترضوا عليه انا لا احمل عهدة سوء ادب الشباب انا اعلم اقول للشباب هذا حديث مكذوب. يطلع الشاب بحماسة يروح لواحد على رؤوس الاشهاد ويقول له هذا حديث مكذوب. ازاى تكذب على النبي؟ ازاى تقول كذا كذا كذا - [00:00:43](#) ما بيتحملش يا ابني من اللي قال لك كده ولا الشيخ ابو اسحاق؟ قال لي الحديث ده مكذوب. ايوا انا قلت الحديث ده مكذوب فعلا لكن ما قتللكش تعمل كده ولا تنصح بهذه الطريقة - [00:01:05](#) قلت له انا يعني محتاج ان انا ادعو هذا يعني الشيخ عشان افهمه وجهة نظري وانا عارف طبعا يعني انذاك انا كنت لسه يعني آآ تركت القاهرة رحت بلدي كان لسه بقى لي حوالي سنة تقريبا فالشباب بس اللي - [00:01:15](#) انما يعني آآ عامة الناس ما كانش حد يعرفني من من اهل بلدي آآ فضلا عن خطيب مسقع مشهور في البلد والكلام ده. فساغات شهرة المرء تصده عن قبول الحق - [00:01:32](#) يعني انا النهاردة مسلا لو افترضت شيخ مشهور مسلا مسلا يجي شاب صغير يكلمني يقول لي يا شيخ الحديث ده كذا كذا كذا. الاقي سدري اتغير. الله! ازاى يا ابني انت تكلمني بالطريقة دي! قلت لها انا يا فلان الفلاني - [00:01:47](#) وانا اللي بعلم الناس العلم ولا الكذا. احيانا قد يلقي يعني هذا الكلام يلاقي ضعف ايمانه عند الانسان. او يلاقي حظ النفس وما ابرئ نفسي ان النفس لامارة بالسوء. كلنا هذا الرجل ما فيش حد فينا فوق الموضوع ده - [00:02:00](#) ولا حد فاضل اوي يعني. كلنا ملايين زنوب وربنا ساتر علينا جميعا فالانسان ممكن يبقى انسان فاضل لكنه قد يأبى الحق في مرحلة من مراحل. مين اللي بسبب سوء النقل سوء التصرف الى اخره - [00:02:17](#) لكن انا لان الراجل ده مشهور وانا عايز ابين له برضو ان انا اقرأ ان انا برضه قارئ ما بقولش الكلام ده من دماغي قلت لصاحبي اه انا سادعوه عندي - [00:02:31](#) في البيت بس انا ما خدتوش المرة دي البيت عندي لكن خدتوا مكتبتي انا قصدت فعلا ادخله المكتبة بقصد شرعي عندي آنذاك وهو انه لما يشوف الكتب يوم ايه؟ يقوم يتخض شوية يقوم يعرف ان انا برضو قارئ زيه. ما اناش واحد جاي من آآ من الغيط ولا واحد جاي من الشارع ولا الكلام ده. فيقوم يعني - [00:02:43](#) يهدي المسألة شوية. لما نتكلم يفتح لي ودانه. مش يتصور ان انا شاب صغير وهو رجل كبير وما يصحش ان انا اتكلم. قلت بس عايز بس يشوف المنزر ده فطبعا يعني آآ وانا عادة ما يعني ما بستضيفش حد في مكتبي ابدأ. ليه؟ لان ده مكان شغل - [00:03:08](#) نستضيفه في بيتي استضيف حاجة لكن ده مكان شغل. استضيف مسلا حد من اهل العلم آآ ممكن نستفيد بحاجة. يعني حاتباحث معه في مسألة قد نحتاج ان احنا ننظر في كتاب - [00:03:27](#) مش ممكن كل شوية طالع نازل عشان اجيب الكتاب. لأ ممكن اكون في المكتب عندي. بحيس ان انا استطيع اني التقط الكتاب بس

ده آآ غير كده لأ المهم استضفت ايه هذا الرجل قلت لصاحبي يعني - 00:03:38

انا الحقيقة فتحت لهم الباب دخل قعد وتركتهم ودخلت عشان اعمل لهم شاي ولا حاجة وانا قاصد هذا عشان اشوف تعليق هذا الشيخ اول ما يدخل يشوف المكتبة وكده هو طبعا قال كلمة يعني اول كلمة تلقائية قالها طبعا احنا يعني فيها خطأ طبعا يعني -

00:03:51

اعاقة دي هو اول ما شاف البتاع ده وبص لصاحبه قال له يا دين النبي كل دي كتب قرأ ده كله طبعا ايه انا ما سمعتش الراجل حكى

لي فيما بعد ايه اللي حصل - 00:04:10

اول ما جيت والكلام ده لقيت الرجل اول ما قعدته ورحبت به واهلا وسهلا. فضيلة الشيخ واخبارك ايه؟ والكلام دهوت وانا يعني اه لن اعتب عليك اه انك انت تكلمت وقلت كذا كذا كذا انا عارف الشباب اساءوا الادب معك. وكذا لكن الواقع الحقيقة كذا وكذا وكذا

وابتديت اجيب له - 00:04:24

كتب مخصصة للاحاديث الضعيفة والموضوعة. ما رضتش اجيب له كتاب شيخنا الشيخ الالباني سلسلة الاحاديث الضعيفة

الموضوعة عليه. علشان ما يبقاش عنده حساسية. في ناس كده لما تقول له الالباني - 00:04:42

ما يرضاش يقبلها انا مش فاهم ليه تقول له ابن حجر العسقلاني تقول له مسلا آآ ابن الجوزي يقبلها فبرضو انا تعلمت القصة دي من

حكاية حكيت لي والحكاية دي انا فعلا آآ يعني آآ اعجبت بها جدا وانصح بها يعني اخوانا - 00:04:55

مرة في بعض اخوانا من السعودية آآ ويبدو انه كان حكيما لان تصرفه يدل على انه حكيم. انا لا اعرف الحقيقة هل هو كان عالما ام

كان طالب علم ام كان رجلا آآ متعلما - 00:05:19

لكنه كان حكيما راح في بعض اه البلاد راح تركيا تقريبا على ما اذكر وكان آآ في مستشفى بيتعالج يعني. وكان بينزل من المستشفى

يروح يصلي في مسجد بالقرب من المستشفى - 00:05:32

وهو قاعد بيسمع درس لاحد الشيوخ هناك لقي الراجل ده بيشتم شيخ الاسلام محمد ابن عبد الوهاب رحمه الله ويقول احذروا

الوهابية والمش عارف ايه والكلام ده ده كان طبعا هو انت عارف الخليجين بقى والسعوديين يلبسوا الغطرة والعقال والبتاع ده

والكلام ده الرجل ايه - 00:05:47

خلاص كده اول مرة تنتهي في الزحمة قرر في نفسه شيئا ثاني مرة نزل عادي آآ كاشف راسه لا عقال ولا آآ غترة ولا الكلام ده وجاب

كتاب التوحيد اللي الفه الشيخ محمد ابن عبد الوهاب رحمه الله وقام شايل الجلدة وشايل الورقة وشايل العنوان بحيس الكتاب ده ما

يتعرفش الكتاب مين - 00:06:08

وبعدين راح تودد الى الامام وقال له والله انا ايه يعني الحقيقة انا مبسوط منك وآآ وحببتك وبتاع والكلام دهوت وآآ وعازي اتعلم

منك واتعلم من علمك ففي واحد اداني كتاب - 00:06:31

آآ بس انا برضو ايه خفت يكون فيه غلط ولا حاجة. فقلت اعرض عليك الكتاب بحيس ان لو فيه غلط ما قراهوش فاقرأوا كده وايه

وقل لي رأيك فيه الرجل اخذ الكتاب ويوم يومين ثلاثة آآ الكتاب طبعا كتاب التوحيد لمن يعني آآ يعرف كتاب التوحيد. ما فيهموش

حاجة اكثر من الاية - 00:06:43

يعني تبويب معين الايات التي تخدم التبويب. الاحاديث اللي تخدم التبويب ما ما يؤخذ منا الاية والحديث يعني حاجة ايه عناوين

يعني ما فيش حاجة اللي عازي يقرأ كده قراءة مجردة ما يقدرش ياخذ حاجة على الشيخ - 00:07:03

المهم الراجل الامام دهوت بعد يومين ثلاثة الراجل ايه رأيك فيه؟ خالص الكتاب قال له هذا كتاب جميل قال له انت متأكد يعني انه

كتاب رائع وكويس ومش عارف ايه؟ قال له كتاب جميل. قال له شف بقى يا سيدي هو ده كتاب الشيخ محمد عبد الوهاب اللي انت

عمال تشتم فيه. وتقول له الوهابية وتقول اللي مش عارف ايه وبتقول ايه الرجل اسقط - 00:07:23

بيده. ليه؟ ورت العداوة. هو لا اري ولا عرف ولا عمل اي حاجة. زي ما اهله طالعين يعادون وهو طالع يعادي. على حسب المجتمع

بتاعه قال له لأ انت بقى الدنيا كده المنزومة اتغيرت عندي انا لابد انك انت تعرفني الحقيقة وكانت فتحة خير لهذا الامام واخذوا

ووداه المملكة وتعلم ورجع يدعو الى مذهب الحق. انا عايز اقول يعني شف التصرف الذكي. يعني احيانا لما نقول صححه الالباني وضعفه الالباني. بعض الناس كده قلبه يوجعه جلده بينمل اول ما تذكر كلمة الالبان. خلاص يا سيدي بلاش سورة الالبان - 00:07:59
عندما اذا كان في حد آ فوق الالباني من الطبقة يعني من اهل العلم والكلام ده. ممن يعني لا يعاديه مثل هذا الانسان. خلاص اذكر اسمه يعني لا تجعل اي اسم كان حائلا دون وصول الحق الى الناس - 00:08:18

انا عايز الشباب يفهموا الحقيقة ديت. القصة مش قصة دفاع عن اشخاص. مش قصة ان انا لازم اسبت فلان يعني لازم اسبت فلان. لأ. اذا كان ذكر فلان. نحن لا نوالي ولا - 00:08:33

على اشخاص او على افراد. انما نوالي ونعادي على منهج اي حاجة تحول دون وصول هذا المنهج كن يعني حكيما ويتصرف هذا انا ما رضيتش ادي له الحقيقة سلسلة احاسيس الضيف والموضوع للشيخ الالباني انما اتيت له بالكتب القديمة في هذا الباب. جبت له كتاب الموضوعات لابن الجوزي رحمه الله - 00:08:43

وما تلى طبعا في كتاب المناكير والباطيل للجرقاني قبل ابن الجوزي. بس كتاب ابن الجوزي يعني يعتبر كان اول كتاب آ مصنف في هذا الفن وكان يعتبر آ ايضا آ يعني اكثره مادة. وجبت له كتب بقى بعد كده للشوكاني وابن عراك الكتب اللي - 00:09:05
التي يعني المؤلفة في هذا الفن. قلت له والله يا اخي هذه احاديث كتب صنفها اهل العلم فانتم لما تهملوا جهود اهل العلم وتقولوا الاحاديث اللي هم نفسهم طول عمرهم يقولوا هذا حديث باطل وموضوع. تطلع برده تقوله الله يا ضيعة جهود هؤلاء - 00:09:25
العلماء ليه انتم راكنين جهد هؤلاء العلماء على جنب وبرضو الباطل تقعدوا تقولوا فيه ليل نهار؟ لماذا لا تبحسنون؟ لماذا لا تتعلمون فدي دي كتب اهل العلم ذكروها وذكروا كذا وقلت له قلت له يعني مسلا وجبت له احاديث مشهورة برضه - 00:09:42
لهؤلاء العلماء قلت له ادي العلماء نصوا على الحديث مكذوبة واحاديث ضعيفة فكون انك انت مسلا بتقرأ في كتاب حتى لو كان لعالم جليل. العالم ده لما بيصنف الكتاب بيلقي اي حديث يخدم الموضوع بتاعه بيدخل - 00:10:00

استدل به ده مش معناه ان العالم آ كان يعلم انه مكذوب او انه باطل ثم استدل به. لا العالم ما عندوش فكرة ان هو باطل ولا عنده فكر انه ضعيف لانه مش متخصص في المسألة ديت - 00:10:16
المهم دار بيني وبينها حوار رقيق يعني ما كانش بالحرارة اللي انا باتكلم بها الان يعني آ حوار رقيق وآ انتهينا من المسألة دي ان الرجل يعني آ قبل الحق وقال ان فعلا انا يعني الحقيقة ما درستش علم الحديث كنا خدنا نتف زمان - 00:10:29
ايام زمان ايام ما كنا في الجامعة ورقتين ثلاثة في في علم الحديث. لكن انا مش فاكر منه حاجة اطلاقا ولا اعرف قصة صحيح ولا ضعيف. فانا بصراحة محتاج ان - 00:10:44

انت تدلني على كتاب قبل ما اخطب الجمعة او قبل ما ادي درس احاول اصحح احاديثي منه حينئذ لم اجد مناصا ولا بدا من ذكر الشيخ الالباني في الموضوع ولم يكن ظني في محله في الحقيقة. لان لما قلت له الشيخ الالباني الراجل ما اعترضش خالص - 00:10:54

انما قال ده عالم جليل وعالم فاضل انا كنت خايف ان هو اول ما اقول للالباني يرفض القصة يعني الشيخ الالباني رحمة الله عليه آ فيما يتعلق بهذا الباب لم يكن العالم الوحيد - 00:11:15
في عصره لا ده كان في علماء فطاحل علماء كبار من اهل التخصص في علم الحديث وانا لما اقول للتخصص في علم الحديث عشان اذا لم اسمي عالما جليلا اخر - 00:11:32
لا يتعقب علي به اه في عالم بيتحرى ان ينقل الصحيح بس مش محدث - 00:11:46